



Adresa: **Ul. Hamdije Čemerlića 39. A**  
71000 Sarajevo  
<http://www.voda.ba>

tel. +387 33 726-422  
fax. +387 33 726-423  
e – mail: [info@voda.ba](mailto:info@voda.ba)

Broj: **UP-1/21-2-40-053-4/23**

Datum: 14.03.2023. godine

„Agencija za vodno područje rijeke Save“ Sarajevo rješavajući po zahtjevu Investitora, RMU „Banovići“ d.d. Banovići, za izdavanje vodne saglasnosti za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada Glavnog transportnog niskopa JUG-4 Rudnika „Podzemna eksploatacija“ RMU „Banovići“ d.d. Banovići, na osnovu člana 114., a u vezi sa članom 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 49/99 i 61/22), donosi

### **RJEŠENJE** **o vodnoj saglasnosti**

1. Investitoru RMU „Banovići“ d.d. Banovići daje se vodna saglasnost za aktivnost ispuštanja tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada Glavnog transportnog niskopa JUG-4 Rudnika „Podzemna eksploatacija“ RMU „Banovići“ d.d. Banovići, a u skladu sa projektnom dokumentacijom:
  - Glavni projekat prikupljanja, tretmana i ispuštanja oborinskih onečišćenih voda koje se mogu pojaviti prilikom izvođenja radova na izgradnji Glavnog transportnog niskopa JUG-4 Rudnik „Podzemna eksploatacija RMU Banovići“ d.d. Banovići, urađen od strane JPVD „Spreča“ d.d. Tuzla, decembar 2020. godine, broj: 051-01-1-2004/20,
  - Revizija Glavnog projekta prikupljanja, tretmana i ispuštanja oborinskih onečišćenih voda koje se mogu pojaviti prilikom izvođenja radova na izgradnji Glavnog transportnog niskopa JUG-4 Rudnik „Podzemna eksploatacija RMU Banovići“ d.d. Banovići, urađena od strane „Rudarski institut“ d.d. Tuzla, februar 2021. godine, broj:30-01-01/59/21.Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se ovjerena od strane ove Agencije u skladu sa odredbama člana 114. stav (3) Zakona o vodama vraća investitoru na trajno čuvanje.
3. Vodna saglasnost se daje pod slijedećim uslovima:
  - 3.1. Radove na izgradnji objekata za prikupljanje, prečišćavanje i ispuštanje oborinskih voda i tehnoloških otpadnih voda iz jame izvesti u skladu sa ovjerenom projektnom dokumentacijom, navedenoj u tački 1. dispozitiva ovog Rješenja.
  - 3.2. Nakon izvođenja radova sistema odvodnje i prečišćavanja otpadnih voda potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
  - 3.3. Na odvodnom cjevovodu, neposredno iza taložnika izvesti posebno reviziono okno koje će služiti kao okno za uzimanje uzoraka (monitoring okno).
  - 3.4. Obezbijediti da kvalitet prečišćene otpadne vode prije ispuštanja iste u prijemnik - potok Draganja i dalje u rijeku Litvu bude u skladu sa tabelom 1. Priloga 18. Uredbe o uslovima ispuštanja otpadnih voda u okoliš i sisteme javne kanalizacije („Sl. novine FBiH“, br. 26/20, 96/20).
  - 3.5. Ukoliko rezultati analiza uzoraka vode ukažu na vrijednosti koje su iznad dozvoljenih po Uredbi, tada je Investitor u obavezi da izvrši dogradnju sistema za prečišćavanje voda, adekvatnog kapaciteta.

- 3.6. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.7. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
- 3.8. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 3.9. Predvidjeti da se sav nastali otpad prikuplja u skladu sa važećim propisima o postupanju sa otpadom.
- 3.10. Manipulativnu površinu potrebno je izvesti sa odgovarajućim nagibima i pripadajućim slivnicima.
- 3.11. Sve kolizije sa postojećim instalacijama (elektroenergetske, telefonske, kanalizacije i ostale infrastrukture) na lokaciji, ukoliko do takvih situacija tokom izvođenja radova dođe, će se rješavati uz saglasnost mjesnog nadležnog preduzeća, koje će dati tehničke uslove za izvođenje ovih radova.
- 3.12. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana na takvoj udaljenosti da ne mogu imati negativan uticaj na podzemne i površinske vode.
- 3.13. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.14. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.
- 3.15. Višak materijala iz iskopa koji će se pojaviti prilikom izvođenja zemljanih radova, a koji ne bude iskorišten za radove na izgradnji objekata, potrebno je odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
4. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
5. Vlasnik, odnosno korisnik objekta nema pravo na naknadu eventualnih šteta prouzrokovanih plavljenjem i iste padaju na njegov teret u skladu sa Zakonom o vodama.
6. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od strane drugih nadležnih organa.
7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl. novine FBiH“ broj: 31/15, 55/19, 41/20, 63/22).
8. Ova vodna saglasnost prestaje važiti istekom roka od dvije godine od donošenja ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.
9. Ovo Rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

### **Obrazloženje**

Investitor RMU „Banovići“ d.d. Banovići, obratio se sa zahtjevom za izdavanje vodne saglasnosti za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada Glavnog transportnog niskopa JUG-4 Rudnika „Podzemna eksploatacija“ RMU „Banovići“ d.d. Banovići.

U provedenom postupku, uz zahtjev za izdavanje vodne saglasnosti dostavljena je i pregledana slijedeća dokumentacija:

- A. Opća dokumentacija
- Aktuelni izvod iz sudskog registra izdat od strane Općinskog suda u Tuzli – ovjerena kopija,
  - Uvjerenje o poreskoj registraciji izdatoj od Porezne uprave Kantonalni ured Tuzla od 30.03.2010. godine – ovjerena kopija,
  - Uvjerenje o registraciji/upisu u Jedinstveni registar obveznika indirektnih poreza, broj:04/1-17-1-UPJR/1-3173-2/13 od 15.07.2013. godine izdato od strane Uprave za indirektno-neizravno oporezivanje Banja Luka – ovjerena kopija,

- Rješenje o vodnoj saglasnosti, broj: UP-I/25-2-40-067-2/21 od 19.02.2021. godine izdato od strane Agencije za vodno područje rijeke Save, Sarajevo – kopija,
- Odluka o proglašenju vanrednog stanja, broj: 5459/21 od 29.03.2021. godine donesena od strane Rudnici mrkog uglja „Banovići“ d.d. Banovići – kopija,
- Obavijest o izbijanju vanredne situacije, broj: 9133/21 od 21.05.2021. godine izdata od strane Rudnici mrkog uglja „Banovići“ d.d. Banovići – kopija,
- Odluka o ukidanju vanrednog stanja u jami Rudnika „Podzemna eksploatacija uglja“, broj: 23459/21 od 15.12.2021. godine donešena od strane Rudnici mrkog uglja „Banovići“ d.d. Banovići – kopija,
- Obavijest o nastavku vršenja monitoringa, broj: 9784/21 od 02.06.2021. godine izdata od strane Rudnici mrkog uglja „Banovići“ d.d. Banovići – kopija,
- Izvod iz Prostornog plana općine Banovići za planski period 2015-2035 izdat od strane Službe za prostorno uređenje, planiranje, razvoj i poduzetništvo općine Banovići, broj: 06-19-1013/20 od 24.06.2020. godine – kopija,
- Odgovor, broj: 05/2-19-5-585/22 od 17.10.2022. godine izdat od strane Federalnog ministarstva okoliša i turizma – kopija,
- Dokaz o uplaćenju federalnoj upravnoj pristojbi na zahtjev

#### B. Tehnička dokumentacija

- Glavni projekat prikupljanja, tretmana i ispuštanja oborinskih onečišćenih voda koje se mogu pojaviti prilikom izvođenja radova na izgradnji Glavnog transportnog niskopa JUG-4 Rudnik „Podzemna eksploatacija RMU Banovići“ d.d. Banovići, urađen od strane JPVD „Spreča“ d.d. Tuzla, decembar 2020. godine, broj:051-01-1-2004/20
- Revizija Glavnog projekta prikupljanja, tretmana i ispuštanja oborinskih onečišćenih voda koje se mogu pojaviti prilikom izvođenja radova na izgradnji Glavnog transportnog niskopa JUG-4 Rudnik „Podzemna eksploatacija RMU Banovići“ d.d. Banovići, urađena od strane „Rudarski institut“ d.d. Tuzla, februar 2021. godine, broj:30-01-01/59 21

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom postupku konstatovano je sljedeće:

- Glavni projekat, iz tačke 1. dispozitiva ovog Rješenja, urađen je i revidovan od strane ovlaštenih pravnih lica.
- Glavni transportni niskop JUG-4 Rudnika „Podzemna eksploatacija“ RMU „Banovići“ d.d. Banovići gradit će se od pretovarne stanice Draganja sa kote + 352,00 m n. m., biti će dužine 1332 m. Novi niskop radit će se mehanizovano, samo po potrebi bušačko-minerskim radovima. Ulazni portal radit će se od armirano-betonske konstrukcije u dužini od najmanje 30 m, a ostatak niskopa, podgrađivat će se željeznom lučnom trodjelnom popustljivom podgradom svijetlog profila 16 m<sup>2</sup>, sa drvenim zalogom. Generalni ugao nagiba niskopa iznosi 12°. Lokacija je određena koordinatama i to: Y - 6 540 482,82, X - 4 919 213,54.
- Izradom novog niskopa transport uglja iz jame trakastim transporterima će se pojednostaviti, niskop će se koristiti i kao trasa za dopremu repromaterijala i opreme u jamu i ista će imati komunikaciju od vanjskih objekata na površini do jamskih radilišta, moći će se koristiti za odvodnjavanje jame, kretanje radnika i kao put ulazne zračne struje, za snabdijevanje jame energijom, vodom, komprimiranim zrakom i sl.
- Prema urađenim poprečnim profilima iz geodetskog snimanja terena, potrebno je izvršiti iskop cca 39 499 m<sup>3</sup> materijala iz niskopa od čega cca 19 519,89 m<sup>3</sup> materijala će se koristiti za ravnanje terena. Višak iskopanog materijala u količini cca 19 979,50 m<sup>3</sup> će se odvoziti na odlagalište PK „Grivice“. Kada se teren dovede na projektovano stanje nivelete platoa, potrebno je izvršiti nasipanje i nabijanje kamenog tampona u debljini 50 cm.
- Na lokalitetu predmetnog objekta projektovan je ukupno jedan kanal za odvodnju oborinskih onečišćenih i jamskih (tehnoških) otpadnih voda, ukupne je dužine L=104,50 m.
- Kanalom K1 će se prikupljati i odvoditi navedene otpadne vode sa tretmanom u čvoru C6 (prihvatni – ulivni šaht) na projektovanom zemljanom taložniku dimenzija u osnovi 6,04 x 13,78 m u vrhu taložnika i 2,00 x 9,40 m u dnu taložnika, dubine 2,70 m, odnosno 1,67 m korisne dubine. Korisna zapremina taložnika iznosi V=31,00 m<sup>3</sup> (minimalna zapremina nakon proračuna iznosi 24,00 m<sup>3</sup>). Prelivne vode iz taložnika će se preko prelivnog šahta u čvoru C7, odvoditi do šahta za monitoring u čvoru C8, a dalje u postojeći šaht na zacijevljenom bezimenom potoku, a potom u rijeku Draganju.

U dokaznom postupku utvrđeno je da projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj:UP-I/25-1-40-308-9/20 od 23.09.2020. izdatog od strane Agencije za vodno područje rijeke Save, Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja data vodna saglasnost na istu.

U prethodnom postupku investitoru RMU „Banovići“ d.d. Banovići, izdato je rješenje o vodnoj saglasnosti na projektnu dokumentaciju za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada Glavnog transportnog niskopa JUG-4 Rudnika „Podzemna eksploatacija“ RMU „Banovići“ d.d. Banovići, broj: UP-I/25-2-40-067-2/21 od 19.02.2021. godine. Dana 28.03.2021. godine nastao je požar u jamskoj prostoriji koji se razvio u toj mjeri da je prekinuo tehnološki proces proizvodnje. Do 30.06.2021. godine poduzimale su se mjere i aktivnosti na gašenju požara u skladu sa urađenim Operativnim planom sanacije posljedica požara kada su se stvorili uslovi za silazak u ugrožene dijelove jame, a čime su i započete aktivnosti na sanaciji posljedica nastalog požara. Do mjeseca februara 2022. godine vršen je pregled i zamjena oštećene opreme. Nakon sanacije oksidacionog procesa (požara) i posljedica nastalih istim, donešena je Odluka o ukidanju vanrednog stanja u jami Rudnika „Podzemna eksploatacija uglja“.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 144. Zakona o vodama, i članova 7. i 10. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine Federacije BiH“, broj 6/98, 8/00, 45/10, 43/13).

#### **Uputa o pravnom lijeku**

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:


mr. sci. Selma Merdan, dipl.inž.geol.

Prilog: (Ovjerena tehnička dokumentacija navedena pod tačkom B obrazloženja Rješenja).

Dostaviti:

- RMU „Banovići“ d.d. Banovići  
Ulica Armije BiH 52, 75290 Banovci, (kao u prilogu),
- AVP-ISV -Vodna knjiga,
- ⊙ Sektor 40, arhiva,
- Oglasna tabla AVP-Sava Sarajevo

*za* Po ovlaštenju  
Rukovodilac sektora za izdavanje  
vodnih akata



**Haris Ališehović, dipl.inž.građ.**

